

ՀԱՐՑՈՒՄ ՊԱՏԱՍԽԱՆ Ա. ՄԿՐՏՈՒԹԵԱՆ ԵՒ ԴՐՈՇՄԻ ՄԱՍԻՆ

24) Փոխնակ մայրութեամբ ծնուած երեխան կը մկրտուի:

Մեր եկեղեցին տակաւին պաշտօնական տեսակէտ չէ արտայայտած փոխնակ մայրութեան վերաբերեալ, մինչդեռ Կաթողիկ, Ռուս, Պուլկար, Յոյն Ուղղափառ եկեղեցիները դատապարտած են մարդկային վերարտադրողականութեան թեխնիկական միջամտում՝ այս երեւոյթը նոյնպէս դիտարկելով իբրեւ քրիստոնէական ընտանիքի եւ արարչապարգեւ կեանքի մասին պատկերացումներուն հակառակ:

Ասիկա ժամանակակից աշխարհին եւ եկեղեցւոյ ուղղուած մարտահրաւէր է, երբ առօրեայ կեանքի պայմանները կը ստիպեն ամուսնացած զոյգին զաւակ ունենալու խնդիրը լուծել այդ ճանապարհով:

Ի՞նչ է փոխնակ մայրութիւնը:

Երբ ամուսիններէն կ'առնեն բեղմնաւորուած ձուարջիջը եւ կը տեղադրեն այլ կնոջ մը արգանդին մէջ: Պտուղը չի կրեր փոխնակ մօր ժառանգական տեղեկութիւնը, ինն ամիս կը կրէ ուրիշ երեխային՝ ծնունդէ ետք երեխան կը յանձնէ իր կենսաբանական ծնողներուն:

Մէկ կողմ ձգելով խնդիրին Աստուածաբանական, բարոյական հոգեբանական, ընտանեկան եւ այլ դիտանկիւնները՝ փորձենք պատասխանել այս հարցին: Ի վերջոյ՝ այսօր հայերու մօտ արդէն այս միջոցով ծնած երեխաներ կան, որոնց մկրտելու կամ չմկրտելու հարցը առկա է: Անկախ ամէն ինչէ, աշխարհ եկած իւրաքանչիւր զաւակ...

ՀՈԳԵՒՈՐ ԽՈՐՀՐԴԱՏՈՒ

Ի՞նչ բանի մէջ կը կայանայ Աստուծոյ մեծութիւնը

Աստուծոյ մեծութիւնը չի կայանար իր ամենակարողութեան մէջ, այլ իր ամենահաս սիրոյն մէջ: Աստուծոյ սէրը կը հասնի վիրաւոր բոլոր սիրտերուն: Աստուծոյ մեծութիւնը չի կայանար իր ամենագիտութեան մէջ, այլ՝ անոր մէջ, որ ան գիտէ մեր հոգիին վիշտը եւ կը կարեկցի մեզի: Մեծ մարդիկը անոնք են որոնք կարեկցիլ գիտեն, որոնք իրենց նմանը գետնէն բարձրացնել գիտեն: Յիսուս այդպիսի մեծութիւն մըն է: Ան բարի Սամարացիի անուան տակ, խոնարհեցաւ գետին եւ վեր բարձրացուց գայն մեղքի փոշիէն: Քահանան այդպիսի բան չըբաւ: Քահանան կարգ ունէր բայց սիրտ ու գութ չուներ: Ան ցամբան շեղեց ու գնաց, ինք՝ որ կոչումը ունէր ուրիշները ցամբու բերելու:

ՄԻԱՍՆԱԲԱՐ ԱՂՕԹԵՆՔ

Ամենակալ Տէր, ազատարար մարդկութեան, դուն որ աշխարհ եկար փրկութեանս եւ ազատութեանս համար, հեռացո՛ւր ինձմէ հպարտութիւնը, որպէսզի դասակից չըլլամ անկեալ Արուսեակին, հեռացո՛ւր ինձմէ փառասիրութիւնը, որպէսզի չդառնամ մեղսակից փառասէր Չարին: ԱՄԷՆ

Միւսի ընթերցող, ՃՐԱԳ քերթը ամէն Կիրակի կը բաժնուի մեր ժողովորդին, եկեղեցիներու բանկային մօտ: Նաեւ՝ Facebook-ի վրայ փնտռել «Jerak կամ ՃՐԱԳ», ապա սեղմել «Like»ը, կարդալու կամ անդամագրուելու համար:

ՀԱՍՅԷ.

ՃՐԱԳ ՇԱԲԱԹԱԹԵՐԹ - ԱԶԳԱՅԻՆ ԱՌԱՋՆՈՐԴԱՐԱՆ ԼԻԲԱՆԱՆԻ - Bourj-Hammoud, P.O.Box 80810 -Tel/Fax:01-258300- facebook-ի էջ jerak ճրագ քերթ



ՔՈՒ ԽՕՍԵՂ ԽՄ ՈՏԹԵՐՈՒՄ ԾՐԱԳ Է ՈՒ ԽՄ ՇԱԽՂՆԵՐՈՒՄ ԼՈՅՍ (Ս. 119-105)

ԺԱ. ՏԱՐԻ

ԿԻՐԱԿԻ, 25 ՆՈՅՏԵՄԵՐ 2018

ԹԻԻ 47

ԿԻՐԱԿԻ ՕՐԵՐՈՒ ՍԱՏՈՒՄԾԱՆՆՉԱԿԱՆ ԸՆԹԵՐՑՈՒՄԵՐ
Ես.36.1-9: Ա. Թս. 1.1-10:
ՅԻՍՈՒՄ ՔՐԻՍՏՈՍԻ ԱՒԵՏԱՐԱՆԸ ԸՍՏ ԴՈՒԿԱՍՈՒ 12.13-31

Ժողովուրդէն մէկը Յիսուսի ըսաւ. «Վարդապետ, ըսէ՛ եղբօրս, որ մեր հօր ձգած ժառանգէն իմ բաժինս տայ ինձի»: Յիսուս պատասխանեց. «Ո՛վ մարդ, ո՞վ զիս դատաւոր կամ իրաւունքի բաժանարար կարգեց ձեր վրայ»: Ապա դառնալով ժողովուրդին, շարունակեց. «Նայեցէ՛ք եւ զգուշացէ՛ք ազահութեան բոլոր տեսակներէն, որովհետեւ մարդու մը կեանքը կախեալ չէ իր ամբարած հարստութենէն»:

Յիսուս անոնց առակ մըն ալ խօսեցաւ եւ ըսաւ. «Հարուստ մարդ մը կար, որուն արտերը առատ բերք տուին: Ան ինքնիրեն կը մտածէր ու կ'ըսէր. Ի՞նչ ընելու եմ, որովհետեւ հունձքս ամբարելու համար շտեմարաններուն մէջ տեղ չմնաց: Այո՛, գիտեմ ինչ պիտի ընեմ: Պիտի քակեմ շտեմարաններս, աւելի ընդարձակները պիտի շինեմ եւ հոն ամբարեմ ցորենս եւ ամբողջ բերքերս: Ապա ես ինձի պիտի ըսեմ. Ո՛վ մարդ, քանի որ երկար տարիներու համար ամբարած հարստութիւն ունիս, հանգիստ ըրէ՛. կե՛ր, խմէ՛ եւ ուրախացի՛ր»: Բայց Աստուած ըսաւ իրեն. «Անմիտ մարդ, այս գիշեր իսկ հոգիդ քեզմէ պիտի առնեն. որո՞ւն պիտի մնայ պատրաստածդ»: Եւ Յիսուս եզրակացուց. «Նոյնն է պարսպակ բոլոր անոնց, որոնք միայն իրենց անչերուն համար հարստութիւն կը դիզեն, փոխանակ Աստուծոյ աչքին հարստանալու»:

Ապա Յիսուս իր աշակերտներուն ըսաւ. «Մի՛ մտահոգուիք ձեր ապրուստին համար, թէ ի՛նչ պիտի ուտէք, եւ ո՛չ ալ ձեր մարմիններուն համար, թէ ի՛նչ պիտի հագնիք: Որովհետեւ կեանքը աւելի կարեւոր է քան ուտելիքը, եւ մարմինը աւելի կարեւոր՝ քան հագուստը: Դիտեցէ՛ք ազոռները, որոնք ո՛չ կը սերմանեն, ո՛չ կը հնձեն, ո՛չ շտեմարաններ ունին եւ ո՛չ ամբարներ, սակայն Աստուած կը կերակրէ զանոնք: Աստուած պիտի չկերակրէ՞ ձեզ, դուք՝ որ Աստուծոյ աչքին թռչուններէն գերազանց էք: Մտահոգուիլը որեւէ ձեռով ձեր կեանքը կ'երկարէ՞: Եթէ նուազագոյն բանը չէք կրնար ընել, ինչո՞ւ ուրեմն ուրիշ բաներով կը մտահոգուիք:

ՅՈՒԼԻԱՆԷ

Բնիկ Նիկոմիդացի, դուստրն էր Ափ-րիանոս մեծ իշխանին, որ հեթանոս էր եւ կ'ուզէր կնութեան տալ զայն Ելեսիոս անունով Սինկղիտիկոսին: Յուլիանէ, որ հօրմէն գաղտնի ընդունած էր քրիստոնէութիւնը, չուզելով հեթանոսի կին ըլլալ պատրուակեց, թէ ինք կը փափաքի միայն Եպարֆոսի տիկին ըլլալ: Իսկ երբ Ելեսիոս քիչ ետքը տիրացաւ այդ դիրքին, Յուլիանէ պարզեց իր բուն նպատակը՝ քրիստոնէութեան պահանջ դնելով: Այն ատեն հայրը եւ Ելեսիոս միասին իրենց ցատումին առարկայ ըրին կոյսը, ամենասաստիկ տանջանքներու մատնելով եւ յետոյ գլխատել տալով զայն իր շնորհիւ քրիստոնէութեան դարձած շատերու հետ: Սոփիա անունով բարեպաշտ կին մը ամփոփեց սրբուհիին նշխարները: Ս. Յուլիանէ կոյսին յիշատակի տօնը կը գուգադիպի Երկուշաբթի, 26 Նոյեմբերին:

Սաղմոս 109

Իմ սիրոյս փոխարէն կը չարխօսեն ինծի դէմ, մինչ եւ իրենց համար կ'աղօթեմ: Բայց դուն, ով Տէր, իմ Տէրս, օգնէ՛ ինծի ինչպէս վայել է անունդ, ազատէ՛ զիս, որովհետեւ քաղցր եւ դուն եւ ողորմած: Վշտահար եմ ու չքաւոր, եւ վիրաւոր է սիրոս: Օգնէ՛ ինծի Տէր իմ Աստուած, փրկէ՛ զիս, դուն որ համակ սէր եւ թող մարդիկ գիտնան, թէ դուն ըրիր ասիկա, թէ դուն փրկեցիր զիս Տէր: Թող անոնք անիծեն, դուն օրհնէ՛ զիս. թող անոնք վրաս յարձակին եւ ամօթահար ըլլան, իսկ ես՝ քու ծառայ, թող ուրախանամ:

ՆՆՁԵՑԵԱԼՆԵՐՈՒՆ ՀՈԳԻՆԵՐՈՒՆ ՀԱՄԱՐ ՊԱՏԱՐԱԳ ԵՒ ՀՈԳԵՅԱԼԳԻՍՏ ԿԱՏԱՐԵԼԸ ԾԻՇԵՂ Է

Հաւատացեալները պարտաւոր են աղօթել իրենց ննջեցեալներու հոգիներուն համար, որպէսզի մատուցուող Ս. եւ Անմահ Պատարագի խորհուրդին ընդմէջէն, ննջեցեալ եւ ողջ հաւատացեալները հոգեպէս իրարու միանան Քրիստոսով՝ Ս. ՀԱՂՈՐԴՈՒԹԵԱՆ շնորհիւ իրազործուած: Պատարագի ընթացքին, պատարագամատոյցին մէջ գետեղուած յատուկ աղօթքով կը յիշուին ննջեցեալ եւ կենդանի հաւատացեալները, յիշատակելու յատուկ խընդրանքով՝ «Յիշեա՛ Տէր եւ զհոգի ծառայիս քո (այս անուն), եւ ողորմեա՛ նմա ըստ մեծի ողորմութեան քում եւ հանգո՛ւ այցելութեամբ ի լոյս երեսաց քոց»: Իսկ եթէ կենդանի է «Փրկեա՛ զնա յամենայն որոգայթից հոգւոյ եւ մարմնոյ»: Աղօթք եւ յիշատակում խնդրողներուն համար եւս պատարագիչը Աստուծմէ կը հայցէ ըսելով. «Յիշեա՛ Տէր եւ զայնոսիկ որք յանձնեցին մեզ յիշատակել յաղօթս, զկենդանիս եւ զհանգուցեալ, եւ կառավարեա՛ զկամս հայցմանց նոցա եւ զմերս, ընդ ուղղորդն եւ որ լին է փրկութեամբ»: Ննջեցեալներուն ազգականներուն եւ հարազատներուն խնդրանքով միայն, եկեղեցին կիրակի օրերուն Պատարագի աւարտին կը կատարէ հոգեհանգստեան յատուկ պաշտօն՝ անոնց հոգիներուն խաղաղութեան համար, այլապէս եկեղեցին իր կողմէ ճշդած մեռելոցի օրերուն կը յիշէ զանոնք միասնաբար հին եւ նոր, յայտնի՝ թէ անյայտ բոլոր ննջեցեալները:

ՄԵՐ ՀԱՅՐԵՐՈՒՆ ԽՐԱՏՆԵՐԸ ԱՐՕԹՈՂ ՄՕՐ ՄԸ ԶԱՄԱԿԸ ԶԻ ԿՈՐՍՈՒԻՐ

Ինչպէս քանակազորը կրնայ անսաւ քարի մը կտորը սաւել եւ զայն վերածել գեղեցիկ պատկերի մը, այնպէս ալ, մայր մը կրնայ իր զաւակին անսաւ հոգին սաւել եւ արժանաւարտան աղօթքներով եւ Աստուածահաճոյ յորդորներով ու խրատներով՝ զայն փոխակերպել Քրիստոսի պատկերին: Արդարեւ, աղօթող մայրը քանակազոր մըն է, որուն առաքինութիւնն է՝ Քրիստոսի պատկերը դրուել իր զաւակներուն հոգիին մէջ:

Ուսի, որքան կարեւոր է աղօթող մայր ըլլալը: Որքան կարեւոր է, որ տունի մը մէջ աղօթող մը կամ աղօթողներ ըլլան: Ընտանիքի մը որուն մայրը աղօթքի մուխուած է՝ այդ ընտանիքը հաստատ կը մնայ: Զաւակ մը, որ աղօթող մայր ունի՝ չի կորսուիր, եւ եթէ կորսուի՝ դարձեալ կը գտնուի: Զի մոլորի, եւ եթէ մոլորի՝ դարձեալ ուղղութեան կու գայ: Զի հեռանար երկիմքի մամբէն, եւ եթէ հեռանայ՝ դարձեալ այդ մամբուն կը դառնայ:

Տուն մը որուն մայրը աղօթող է՝ հոն ապահովութիւն եւ խաղաղութիւն կը սիրեն: Եթէ այդ տան մէջ փորձանք մը պատահի՝ Աստուած օգնութեան կը փութայ: Եթէ մահ ըլլայ՝ Սուրբ Հոգին իր միտքարութիւնը կը հեղու տան սգաւոր անդամներուն վրայ:

Սիրելի մայրեր, դուք մեր աղօթքներով պահապան եւ պաշտպան կը դառնաք մեր ընտանիքին եւ զաւակներուն: Անդադար աղօթեցէ՛ք առանց վհասելու:

ԵՐԲ ԱՐՕԹՔԵՐՈՒԴ ՊԱՏԱՍԽԱՆԸ ԿԸ ՓՆՏՈՒՄ ԱՍՏՈՒՍԷ, ԿԱՐԴԱՎ ԿԱՐՄՈՍ 20

ՏԵՐԸ թող լսէ աղօթքներդ, երբ որ անձկութեան մէջ. մեր հայրերուն Աստուածը ինք թող պաշտպան ըլլայ քեզի: Քեզի օգնութիւն թող որկէ իր սրբաբանէն, եւ Սիոնէն քեզ զօրացնէ: ՏԵՐԸ թող յիշէ քու նուէրներդ, եւ զոհերդ ընդունելի համարէ:

ՏԵՐԸ սրտիդ համեմատ թող տայ քեզի, եւ քու բոլոր փափաքներդ կատարէ:

Մենք քու բերած փրկութեամբդ պիտի ցնծանք, եւ Աստուծոյ յաղթանակին դրօշը պիտի կրենք: ՏԵՐԸ կատարէ բոլոր խնդրանքներդ:

Հիմա գիտցայ, որ ՏԵՐԸ կը փրկէ իր օծեալը. անոր աղօթքին պատասխան կուտայ իր սուրբ երկիմքէն, եւ իր զօրութեամբ անոր մեծամեծ յաղթանակներ կը պարգեւէ: Ոմանք իրենց պատերազմի կառքերուն, ուրիշներ ձիերու կ'ապաւինին, բայց մենք Աստուծոյ՝ մեր ՏԻՐՈՋ կ'ապաւինինք: Անոնք պիտի ծունկի գան եւ իյնան, մինչ մենք կանգուն պիտի մնանք, գլուխսիս բարձր:

Ո՛վ ՏԵՐ, փրկէ՛ թագաւորը, երբ քեզ կանչենք՝ պատասխանէ՛ մեր աղօթքներուն:

ԱՌԱԿ 12

Ան, որ խրատը կը սիրէ՝ իմաստութիւնը կը սիրէ, իսկ ան որ չի հանդուրժեր յանդիմանութեան՝ անմիտ է:

Բախտաւոր է ան, Տիրոջմէ շնորհ կը ստանայ, իսկ անօրէնը պիտի պապանձի:

Ինչպէս մարդ անօրէնութեամբ յաջողութեան չի հասնիր, նոյնպէս ալ ո՛չ ոք կրնայ արդարները արմատախիլ ընել: